

戲澤先生是正

戲澤先生感通致本備錄卷解題

陳

陳散木

古義錄書氣解題附錄之一

74
71 29 17

國立中央研究院
歷史語言研究所集刊
第十本抽印本

MG
B992.2
10
2:1

燉煌唐咸通鈔本三備殘卷解題

——古讖緯書錄解題附錄之一——

陳 槃

巴黎國立圖書館藏燉煌鈔本三備，伯希和編目S六〇一五，又S六三四九號。本所託北平圖書館王有三重民先生錄副。上備闕，中下二備殘。


下備一卷，已終篇，而頁後復有題占候時吉凶法者二百餘字，所言係非時占數事。以此題推之，當更有凶占，而其文已佚。三備本分上中下備各一卷，每卷別有篇目，如中備有筮宅吉凶法，下備有占葬日及地下事之類是也。此占候驗吉凶法言非時占微，與其上篇言葬地吉凶者，層次相應；又中備有筮宅吉凶法，下備有言葬地之占候驗吉凶法，以全書體例言，亦相應。然則此占候驗吉凶法，無疑為下備篇目之二。其見于下備終篇之後，似別為一書者，錯出之故。此如中備篇首二行，乃全書之引論，應置上備之前，今亦誤置中備之首；又如下備第五頁下面，第六頁上面，俱空白，六頁下面始復有書，亦其例。書多近鄙別字，知本為一極通俗之篇，錯亂互倒，宜其不免。

占候驗吉凶法尾行，注明鈔寫時間，檢當為唐懿宗之咸通五年。（詳後。）

三備沉寢，蓋數百年于茲矣。此鈔雖非完璧，然古籍理董，有資于此者已不在少，是可貴也。爰為粗陳本末，間據管見，論次如下。

壹 三備 概述

三備又作易三備，或周易三備；（並別見後。）亦稱三備經，文有『經云，三備』，可知。
三備著錄，始於隋書經籍志；次舊唐書；次北宋崇文總目等。永樂大典本易緯稽覽圖前頁注亦提及此書，無疑大典纂集時，此書尚存。焦茲國史經籍志子部



(南)



數易占類亦有其目，然焦氏書不可盡信，其是否曾見及此書，未可知。朱彝尊經義考僅據隋志著錄，則爾時已有目無書矣。

三備內容，『上備，天也；中備，筮入中宅舍吉凶也；下備，筮口盤石口泉深淺吉凶安非地也』：此本書之言也。通志藝文五行一占筮類，周易三備三卷，注：『上備，言天文；中備，卜筮；下備，地理』。今按，中備當云『筮人』。通志徵誤。然『卜』『人』形近易譌，抑或志本作『筮人』，傳刻譌作『卜筮』，亦未可知。

『三備』者，易家習語，易繫辭：『易之爲書，廣大悉備，有天道焉，有人道焉，有地道焉，兼三才而兩之，故六。六者，非它也，三才之道也』；乾坤鑿度乾鑿度曰：『三，古文天字，今爲乾卦重，聖人重三而成立位得，上下人倫王道備矣』。（逸書老本頁十四。）曰天地人爲『三』，曰易爲能具『備』其道，『易三備』云云，是其義。唯然，故易三備以天人地爲上中下三備矣。（爲三墳太古河圖伏羲紀云：『天地孕而生男女，謂之三才。三才者，天地之備也』。此亦言『三』，言『備』，然而不及易道，蓋有以其乎舊義矣。）

三備雖隋志已見著錄，而書成于何時，遑未能判定。觀其引及『郭景純占』；又言『僧』，（此字承友人勞貞一先生指出。）言『佛』。（路史所引佚文，見後。）郭景純即郭璞，卒于東晉初。『僧』稱，蓋亦不能更早于六朝。

然書中殆亦頗剝襲早年之材料，例如：

（一）『葬之封侯』 後漢靈帝建安三年崔坊買地券云：『千侯百歲』。（善齋吉金錄任器六四。）漢人之于墓葬，希望地靈，子孫得至千侯，而三備亦曰：『葬之封侯』。

（二）『出二千石』 稱官以俸，不始于兩漢，（韓非子外儲說：『燕王敗吏服、自三百石以上，皆效之子之』。始皇本紀：『秦人六百石以上，尊爵，遷』。）然不若漢書史之習見。蓋時人以爲榮稱，如前漢張敖，嚴延年之號『萬石君』之類是也。又漢鏡銘：『至二千石』。（金石索六，百十一。）

（三）『位至三公』 漢鉤，鏡銘常辭。（秦漢金文錄六，位至三公鉤，丙午神鉤，種珍奇鉤等。善齋錄二一第。）又後漢書袁安傳有『道逢三書生，指一處云，葬此地，當世爲上公』之傳說。

(四)『宜子孫富貴大吉』漢器銘或曰，『長宜子孫』；(小校經閣金文三，九等。)或曰，『富貴』；(小校經閣金文十六，八等。)或曰，『大吉』。(小校經閣三，三一等。)

除此類常辭外，書中屢以宅舍及墓地中有男女伏屍鬼神為言，此其迷信，漢世亦多有可考。檢宣帝黃龍元年諸葛敬及靈帝建寧四年孫成買地券，並作啓告鬼神之言曰：田中若有尸死，男即當為奴、女即當婢，皆為買主趨走給事；(諸葛地券見羅振玉地券遺存，孫成買地券見小校經閣金文十三，七六。) 崔坊買地券則祈請：『先有(鬼神)居者，各相安好』。(以上地券三事，其中有二事承友人張澂先生指示。) 三備云：『遊鬼神索亂，必傷家』，此居人恐鬼神不安，因而來『索』也；而漢鎮墓殘卷祈禱之辭則曰莫相來『索』；(真松堂吉金圖錄下四十。)又魏志管輅傳類此之說，尤連篇累牘。

三備文辭與思想，同于漢人者如此之多，此事頗可注意；其次，傳世有三國吳陸績注本京氏易傳，(有漢魏書本。)此易傳題為漢京房撰。果否出于京房，未可知；至于流傳頗舊，殆可無問題。其書分三卷，上卷，中卷，以八卦分八宮，每宮一純卦，統七變卦，而注其世應、飛伏、游魂、歸魂諸例。(按陸績明經與孫安於周易六十四卦之下，悉注某宮一世，二世，三世，四世，游魂，歸魂諸名，蓋陸氏亦用京氏此法以附合經義也。)今三備正爾。然則三備蓋又嘗鈔漢京氏易傳。已可鈔漢京氏，自亦可以更竊其他漢人之書說。是則今其中有不少漢人之語辭，思想，固有所受之矣。蓋三備為書，特六朝間人依託，而其材料，則亦來源非一。舊題為『孔子師徒所述』，宋史藝文志辨之，(文引見後。)是矣。

此書卷數，隋書經籍志五行類云，三卷；今殘卷，崇文總目，通志及宋史藝文志並同。隋志同時又著錄易三備一卷，不知其是否本為一書而卷數有分合之不同歟？將名同而實異歟？又新唐書藝文志五行類，易三備三卷；下云，又三卷，是同時有二種不同之本。此則可能本雖不同，而內容則一也。

宋史藝文志著錄類錄周易三備三卷，而五行類又收周易三備雜儀要一卷，(按文且五行一占筮類有中備雜儀要一卷，通志五行一占筮類同，此中備雜儀要蓋即從三備雜儀要中析出者。)此三備與三備雜儀要有無何等關係，未詳。

貳 三備 是否有注

三備不知是否曾經有注？永樂大典易緯稽覽圖（即今殿本之前身。）書首有『推天元甲子之術』一節，凡百餘字，移錄如下：

推天元甲子術：

置天元已來年數，以六十去之。不滿六十者，以甲子始數算盡之。上所得之日，卽生歲之卦。諸變皆如卦十年歲月朔日辰直子日者，卽主今月之卦。今日辰值五子之日，卽是今日之卦也。諸改變異，並與歲同占。至歲之卦，當隨太歲而移之，行一子，終則反始，無有窮也。

又題『推易天地人之元術』者一節，六十餘字，如下：

推易天地人之元術：

先置天元。太初癸巳元年，一百九十萬八千八百五十三歲，乃始太初元年已來載數。至所求年歲上，以六十除之。不滿六十者，以從甲子所數算盡者之上，卽今歲用事。

以上二文，原書並比正文低二格。大典本易緯編者識其下云：

已上寫出一紙，本易緯無之。此於三備上錄出，以廣本耳。其所寫三備並從前立卦者，皆不寫；以緣此本有，更不能再出，故此本兩存耳。從後卽是易緯本經，非三備所有也。

此謂上所引二節百數十字，乃編者當日自三備錄出，非易緯稽覽圖原來所有。武英殿當日校刻此書時，則疑大典本上引之文爲李淳風續注易緯之一。殿本校記曰：

按以上推衍天元歲數，乃後世術士所加。據馮椅引中興館閣書目有李淳風續注易緯，其一『推天元甲子之術』，其二『推易天地人之元術』，與此相合，疑卽出淳風續注本也。

按據中興館閣目，李淳風曾續注易緯，又指出其目錄如此，而大典本易緯稽覽圖編者引其文乃云本自三備。三備託於易，亦可泛稱易緯。豈舉其泛稱則曰易緯，舉其本名則曰三備耶。誠如此，則或曰易緯，或曰三備，其實一事也。如爲一事，則似

李淳風曾爲三備作注，上引二文其注語也。

然而，可疑也。黃震日鈔卷一易緯稽覽圖條云：

書有推天元甲子之術，推易天地人之元術，皆墮小數，不足留情。其曰癸巳元年一百九十萬八千八百五十三歲乃加（按大典本引作始。）太初元年，殆經誕耳。

按據大典本引此文，明云自三備錄出，非稽覽圖本經所有。而黃氏乃以爲稽覽圖之文，何也？豈移三備此文入稽覽圖，乃在黃氏之前，今吾人所見移寫三備之注語，亦是大典以前舊本所有，黃氏所見稽覽圖，注有脫失，不然則偶爾失檢，遂誤認移自三備之文爲稽覽圖本文耶？

殘卷三備無注，舊籍著錄自新唐書以下亦不言有注。又馮椅引中輿館開目言此文爲李淳風續注易緯中語，豈易緯是指稽覽圖，此書原有鄭注，李淳風更爲之注，故曰續注邪？果爾，則右引『推天元甲子之術』與『推易天地人之元術』，仍當爲稽覽圖所有。大典本注乃云『此於三備上錄出』，何也？

叁 三備中之中備與辨終備

三備自明末已來殆既不傳。易緯辨終備今有據大典本校刻之殿本，亦非完帙，觀黃氏逸書考辨終備補遺數事，可以知之。二書已一亡，一殘，無從比較，後人偶見三備之中備皆引見於史記正義等，（文見後。）因而遂誤會中備卽辨終備。朱彝尊經義考卷緯二易辨終備目下注云，『終或作中。佚。按，史記正義引中備文云云，蓋唐初其書尙存』。四庫全書總目易類附錄云，『案，辨終備一作辨中備，其文頗近是類謔，而史記正義所引辨中備孔子與子貢言世應之說，與此反不類。或其書先佚，而後人雜取他緯以成之者，亦未可定也』。今按經義考與提要誤。辨終備無作辨中備者。史記仲尼弟子列傳正義引中備，不作辨中備。辨終備自有其取義，（別詳拙撰辨終備解題。）與中備之因部居三備上下備之間而得名者，絕然不同。四庫提要明知正義所引中備與大典本卽今殿本辨終備不類，乃強爲解說，疑辨終備非原書，殆受經義考之說所暗示。（孫星衍孔子集語卷四謂中備卽辨終備，蓋功與前之

誤。)

經義考所以致誤，又有一原因，蓋讖緯書目聲近而誤，形似而誤，以及繁稱，省稱不一，如中候運衡，『衡』或作『行』；雜書摘亡辟，『亡』或作『六』；樂叶圖徵，或省『徵』字之類，所在皆是，因而容易使人聯想辨終備，中備亦必是一書之異文。有如原書具存，可以究論，自無此誤。不幸而有亡佚殘缺之事，徒憑推想，鮮有不誣者。經義考與四庫總目之失，無怪其然也。

或問，子言中備與辨終備非一書，然則引書者何以稱中備而不曰三備。曰，古人引書，類此之事甚多，如引繫辭則直舉繫辭而不稱周易，引王制則但稱王制而略禮記。可無疑也。

肆 中備非辨終備之證

兩書非一事，其證二：(1)自隋唐以來，內府及諸藏書家所謂易緯，無不包括辨終備在內。今錄後漢書樊英傳章懷注，玉海，直齋書錄解題及永樂大典易緯目于下，以資參考。

〔章懷後漢書方術樊英傳注〕易緯，稽覽圖，乾鑿度，坤靈圖，通卦驗，是類謀，辨終備也。

〔王應麟玉海藝文易緯〕易緯。案隋志八卷，鄭玄注。（原注，更九卷。）舊唐志九卷，宋均注。（唐志，宋衷注。崇文目九卷。）康成或引以解經。今篇次具存。宋注不傳。李淑書目九卷，凡乾鑿度，稽覽圖，通卦驗各二。辨終備，是類謀，坤靈圖各一。今三館所藏乾鑿度，通卦驗皆別出為一書，而易緯止有鄭氏注七卷，稽覽圖第一，辨終備第四，是類謀第五，乾元序制記第六，坤靈圖第七。二卷，三卷無標目。易乾鑿度二卷，（崇文目同）易通卦驗二卷，稽覽圖一卷，流演通卦驗一卷。（不知作者。）

〔陳振孫直齋書錄解題讖緯類〕易緯七卷，漢鄧康成注。其名曰稽覽圖，辨終備，是類謀，乾元序制記，坤靈圖。

〔大典本易緯〕乾坤鑿度，乾鑿度，稽覽圖，辨終備，通卦驗，乾元序制

記，是類謀，坤靈圖。（按，武英殿本易緯八種即據此校刻。）

易緯中必包括辨終備，諸家所見之本如此。隋志，舊新唐志，宋志章目所收之易緯，蓋亦據內府書目，與章懷諸家所見者是一事。今諸史志目皆于經類著錄易緯，同時于五行或占筮類又著錄三備，例如：

〔隋書經籍志一〕易緯八卷。（鄭玄注。緯有九卷。）

〔同上五行〕易三備三卷。 易三備一卷。

〔唐書經籍志經識緯類〕易緯九卷。（宋均注。）

〔同上五行類〕易三備三卷。

〔新唐書藝文志識緯類〕宋均注易緯九卷。

〔同上五行類〕易三備三卷。 又三卷。

〔宋史藝文志易類〕易緯七卷。（鄭玄注。）

〔同上蒼龜類〕周易三備三卷。（題孔子師徒所述，蓋佚託也。）

易緯與三備各自著錄，可知易緯中不收三備。易緯中之辨終備與三備經之中備非一事，甚明。

（2）以上一事，固既然矣，而今日可以憑藉者乃更有不可易移之事實，即今辨終備與三備之中備，內容固完全不同，是也。『中備筮人中宅舍吉凶』，而辨終備則無所謂筮，又兼言天地人，而言人者反占最小部分。辨終備今可見者，約數百言，錄如下方，讀者與三備殘卷比較觀之，可也。

易緯辨終備 漢鄭康成注（略）

孔子表河圖皇參持，曰，天以斗視，日發明。皇以戲招，始掛八卦談。煌煌之耀，乾爲岡。合疑之類，坤握其方。雄雌吐吟，六節搖通。萬物萃甲，日營始東。三五環復，七十六載閏反常。旋出樞乾機據參，衡出坤離授提巽。招震、卯結巖縮，辰中効當。必視焚惑，所在時殃。循歲德，鎮之光。拒白頸商、金大謀兵，雪霜水疾旱饑喪，地動山崩淪，懸隕，物悖淫負之傍，害水決江，德潰河空，移徙赤黃。箕風飄石，折拔樹酷深。長大卒墮，暴大楊。解裂珥偶，虹蜺囊行。沉藏相桐，水害灌滂滂。日之既，陽德消。月之毀，刑將將。大推土裝，羣鳥却，野獸羣，遊人羣。按錄視天比象由。神靈

熒煌店成通妙本三備殘卷解題

悉存，八八通時：小辨終備無遺，戒邳知德察世郵。帝王奉命永安治。至哉

易三聖，謀專密，惡必執思。（句讀不明則闕。下同。）

補遺（據黃氏逸書考本。）

月晝見，陰謀合，國雄逃。（開元占經月占一。）

蛙聚，大盜出。（占經龍魚蟲蛇占。）

日再中，鳥連囂。仁聖出，持知時。（古儀書引。）

四庫總目云，史記正義嘗引中備文而與今殿本辨終備不類。按二書非一事，不類乃所當然。持之以校敦煌殘卷中備，則未嘗不類矣。史記仲尼弟子列傳正義引中備文曰：

魯人商瞿，使向齊國。瞿年四十，今後使行遠路，畏慮，恐絕無子。夫子正月與瞿母筮，告曰，後有五丈夫子。子貢曰，何以知？子曰，卦遇大畜，艮之二世，九二，甲寅木，爲世立，（廿二史考異曰，立當作六。）五景子，（考異、景即兩字。）水爲應。世生外象，生象來爻，生互內象，艮別子，應有五子。一子短命。顏回云，何以知之？內象是木子，一艮變爲二醜三陽爻五，於是五子，一子短命。何以知短命？他以故也。（御茶樓影宋本。）

此文不見於中備殘卷，蓋逸文也，然其與中備殘卷相同之點，可得而言：（甲）依託孔子師徒之言。（乙）言卦爻，世應。（丙）中備殘卷筮老吉凶法云：『凡筮得王相有氣之卦，一世，二世，上下相生，富貴萬盛。三世，四世，次吉。五世，絕世無後。遊魂出，客死。』正義所引商瞿使行遠路，恐絕無子，孔子爲之筮，卽是一貫說法。——微不同者，行文之例，中備殘卷類先卦爻，然後繫月，然後繫孔子師徒之說。而正義引文則直云孔子某月爲某筮。此蓋正義概括引稱之辭。古人引書，往往如此，未足異也。況此文『諺外雜讀，』（錢大昕史記考異語。錢又嘗以己意推衍正義引文，以通其說，今從略。）恐既非中備之舊，且亦非正義引稱之舊。今欲以此詛誤片斷之文與中備殘卷比較辭例，殆不可能。毋亦觀其大體而已矣。

路史發揮三佛之名篇亦引中備曰：

觀夫震爻之動，則知有佛矣。

殘卷無此文。然殘卷雖無此文、細玩文例，則無不合。殘卷雙云「爻動」，「爻定」。此文云「震爻之動」，蓋亦引書者概括之稱。又殘卷有「王僧」，此文有「佛」，則其言人事之範圍，亦可互相印證。反之，辨終備與此引文比較，則絕無相似之處，此又顯而易見者也。

然則路史所引文，不可謂中備無之，蓋亦佚之爾。

三十六年春月重訂本。

附 錄

燉煌唐咸通鈔本三備殘卷

附校記 陳槃譚集

(上缺)三備者，經云：上備，天也；中備，筮人中宅舍吉凶也；下備，筮口盤石口泉深淺吉凶安葬地也。(此當為上備世首導言，今置諸中備之上，蓋錯出。岑仲勉曰：以所引雜筮占例之。則當下蓋脫占字，石下蓋脫測字。)

筮宅吉凶法

凡筮得壬相有氣之卦，一世，二世，上下相生，富貴萬盛；三世，四世次吉；五世，絕世無後，遊魂出客死。八純歸魄，其卦有吉有凶。各內卦為宅，外卦為人。□□□為地下，外卦為地上。和合相生為吉，相尅為凶。(此文疑為各內卦三字。)又一法。初□□□二為麒麟，三為章光，四為玉堂、□□大德，上為青龍。□□□發與世應并者吉。徵姓麒麟，與□并(春秋漢孔圖曰，麟，木精也。與下蓋脫木字。)宮姓，角姓鳳凰，與火并。商姓玉堂，與水并。羽姓章光，與金并。皆為吉凶。郭景純占宅地下盤石湧泉伏尸法：世爻金在外，卦中有火，動後有水漂宅，他放此(深，蓋誤之語。程政煌曰：爻即爻字，經寫本玉篇爻部諸字可驗。經本篆隸萬象名義及新撰字鏡爻部字亦如此作，蓋效唐人假也。槃按：諸本史正義經路史引中備爻直作爻。引見解題。)孔子備經云：高其屋，闕其家，闕其戶，闕其無人，不觀，三歲，凶，是高大也。豐高屋隆隆，居中無人。(豐，當作豐。陸氏因易有義曰：若

巽 唐咸通抄本三備卷解題

曲下作者，禮字耳。非也。世人重之久矣。——備經云云，空制竊周易，而字有誤。按周易卦象曰，上六，豐其屋，蔀其家，闔其戶，闐其無人。三歲不覿，凶。又，此條錯在上，當案豐卦下。）

純乾 ☰，純乾四月卦。世在上，應在三。世爻定，此地有金，伏尸在西北。老是男鬼。居德此宅，大凶，出賊男。（德，當作得。）

遯 ☶，巽下，乾上。乾家一世。遯，五月卦。世在初，應在四。此地有錢鐵及有人骨，深七尺得之。居得此宅，絕世。孔子云：後一百八十年有孫苟仁發之。（遯，陸氏所見周易作姤。又曰，姤云、古文作遯，鄭同。周易注疏校勘記曰：石經，垂木，圓，毛本作姤。）

遁 ☶，艮下乾上。乾家二世。遁，六月卦。世在二，應在五。占世爻定，其地有銅，去卜處七十步，東北有之。無銅，是磚石。居得此宅，出二千石，宜子孫，富貴，大吉。（遁，陸氏所見周易作姤，云又作遁。同。）

否 ☷，坤下。乾家三世。否，七月卦。世在三，應在上。占世爻定，此地深六尺得金。應乾上爻定。深六尺得錢鐵。居得此宅，君子吉，小人自如。孔子云：居得此宅，大吉。後三百四十一年，有劉文度破之。六三九五發富貴。（學林曰：此條有錯字處。又坤下乾，文脫誤，當云坤下乾上。案按坤下乾家三世，當作坤下乾上，乾家三世。）

觀 ☶，坤下巽上。乾家四世。觀，八月卦。世在四，應在初。占世爻定，居得此宅，九神撥護。十年，當出貴子，大吉。孔子云：此宅出卿相，九州刺史，宜子孫，吉。又云：其宅下有龍蛇所護，常道其福。十年，位至三公。勿復移動。八百年有孤寡。楚女人破之。

剝 ☶，坤下艮上。乾家五世。剝，九月卦。世在五，應在二。占世爻定，穿井深八尺，得蚯蚓，長六寸，似蛇。子夏云：居得此宅，絕滅，凶。孔子云：此宅出孤寡。（剝，當作剝。）

晉 ☱，坤下離上。乾家遊魂。晉二月卦。世在四，應在初。占世爻定，穿井深七尺，得銅。此地水美。孔子云：居得此宅，君子吉，小人自如，先富後貧。後一百年，有真天破之。

大有 ䷍，乾下離上。乾家歸魂。大有，正月卦。世在三，應在上。占世爻定，此地舊有龍道，不可居，絕嗣。子夏云：此地葬，出三公，大吉，宜子孫。

坤 ䷁，純乾，十月卦。世在三，應在三。占世爻定，穿井有金錢。子夏云：居得此宅，出豪貴，損財。後一百八年，有水從南來。（按文例，坤上脫純字。又純乾，乾當作坤。）

復 ䷗，震下坤上。坤家一世。復，十一月卦。世在初，應在四。占世爻定，穿井三尺，有鋸齒鐵。子夏云：居得此宅，貴人。當有伏尸在東北角。鬼姓陸，無墳。其下有金鐵，在西北角。後一百年，有崔同破之。

臨 ䷒，兌下坤上。坤家二世。臨，十二月卦。世在二，應在五。顏淵曰：居得此宅吉，而有石。孔子云：不如然，出死人骨在西北，有伏尸，鬼是奴，字魏。後二百年，有王僧居之。（以上S六三四九敦楹本第一頁正面。）

泰 ䷊，乾下坤上，坤家三世。泰，正月卦。世在三，應在上。占世爻定。孔子云：居得此宅，出三公，宜子孫，大富貴。九二爻發。後一百七十年，有山東人董初居之。

大壯 ䷡，乾下震上。坤家四世。大壯，二月卦。世在四，應在初。世爻定。子夏云：此地有伏龍，見之滅族。伏尸在東北角，不可居之，大凶。

夬 ䷪，乾下兌上。坤家五世。夬，三月卦。世在五，應在二。世爻定。孔子曰：此地有石白，直西有男子鬼。居得此宅，君子吉，小人凶。子夏曰：後一百四十年，龐文居之。（王重民曰：世下當脫爻字。）

需 ䷄，乾下坎上。坤家遊魂。需，八月卦。世在四，應在初。顏淵曰：居得此宅，鬼神安利。孔子曰：雖吉，宅南有伏尸。大何在，下有玉石。去卜處三百步，南廂下如西，玉在中，不見。居得此宅，大吉。又云：九三爻發，三世卦。云後一百八十年，有許子賢來。（下文或曰沙石，或曰蕩沙，或曰堤坊。此人何，何當為河。卷下需卦正作大河。如四、如通而。）

比 ䷇，坤下坎上。坤家歸魂。比，七月卦。世在三，應在上。子夏曰：此地三龍所遊，亡人不安，生人不利。孔子云：此地舊有土蜂及蛇穴，不可居之。

純震 ䷲，純震，十月卦。世在上，應在三。世爻（缺）遊鬼神索亂，必傷家。

類說唐成通抄本三備戒卷解題

豫☱☳，坤下震上。震家一世。豫，五月卦。(缺)云：百年大吉，出二千石，宜子。(缺)

解☱☳，坎下震上。震家三世。解，十二月。(缺)孔子云：居得此宅，宜子孫，大富。(缺)(王重民曰：三世，三當作二。)

恒☱☳，巽下震上。震家三世。恒，正月卦。(缺)日思審言之。居得此宅，三世。(缺)(恒·陸氏所見周易如此作。通行本作恆。)

昇☱☳，巽下坤上。震家四世。昇，八月卦。(缺)凶。孔子云：東方有女子鬼。(缺)(昇·陸氏所見周易作升。又曰：樞本作昇。注疏校勘記曰：石經，豕本，鬲，豕毛本作升。)

井☱☳，巽下坎上。震家五世。井，三月(缺)之凶。孔子云：下有伏尸。

大過☱☳，巽下兌上。震家遊魂。大過，二月。(缺)(以上敦樞本二葉上面。)

(中缺)

☱☳，十月卦。世在上，應在三。占世爻。(缺)云：北有伏尸，南有提河。(缺)(卦上脫純兌二字。卷下云，南有堤坊。此作提，誤。)

困☱☳，坎下兌上。兌家一世。困，五月卦。(缺)吉。孔子曰：九二六，上爻發。後二百。(缺)

萃☱☳，坤下兌上。兌家二世。萃，六月卦。(缺)云：居得此地，吉。西有伏尸。

咸☱☳，艮下兌上。兌家三世。咸，正月。(缺)墓。孔子云：西有伏尸，居。(缺)

蹇☱☳，艮下坎上。兌家四世。蹇，八(缺)孔子云：鬼神歡喜。東有伏尸。(缺)(八下。當脫月卦二字。)

謙☱☳，艮下坤上。兌家五世。謙，九月卦。世在口，應在二。穿井深三尺，得小豆；六尺，得白稜。居得此宅，吉。又云：生死安樂富貴微。八百年有奴益得□□。六二爻□□□□

小過☱☳。(缺)世爻定，穿井深六尺，得赤蛇。居得此宅，凶。(小過具☱☳下，巽☱☳上。此作離☲☳下，蓋誤。)

歸妹 三三，兌下震上。兌家歸魂。歸妹，七月卦。世在三，應在上。此地有玉，居之大吉。唯伏尸在西南，慎勿動之，吉。三六爻不動，居之，富貴。

易中備卷第二（以上乾本第二葉下面。）

周易下備占葬日及地下事

內卦爲亡孝，外卦爲葬日。外卦陽，葬日吉。純陽，大吉。世爻俱陽，大吉。凡外卦雖陰，而坤兌艮吉。若得巽，爲風；坎爲雨。六十四卦立法。

三三純乾，四月卦。世在上，應在三。世爻定，穿地深五尺，得金玉。世爻動，穿地深四尺，得磚石。應爻定，穿地深四尺，得孔穴。應爻動，深八尺，得骨炭，吉。世應爻等位又變動者，是名動也。此位無變者，名不動也。

遯 巽下乾上。乾家一變。遯卦 月卦。世在初，應在四。占世爻定，穿地深四尺，得沙石。世爻動，深八尺，得磚石。應爻定，深六尺，得人骨。應爻動，深七尺得磚。應葬此地，大吉。（遯下兩乾巽兩卦。以下亦多脫快。崇仲勉曰：月上利五字，可從上下文推之。）

遁 艮下乾上。乾家二變。遁，六月卦。世在二，應在五。世爻定，穿地深三尺，得炭土。世爻動，穿地深九尺，得磚石。葬得此地，大凶。

否 坤下乾上。乾家三變。否，七月卦。世在三，應在上。占，穿地深五尺，得沙石。孔子曰：葬得此地，大凶。

觀 坤下巽上。乾家四變。觀，八月卦。世在四，應在初。世爻定，穿地深五尺，得石。世爻動，八尺，得小豆。應爻定，深一丈三尺，得黃沙土。應爻動，深一丈，得藥。孔子曰：葬得此地，九神擁護。十年、大吉利。（香中屢云得穀，此作藥，蓋穀之別體。元刻風俗通皇朝篇亦如此作，但下從水，不從禾。）

剝 坤下艮上。乾家五變爲剝，九月卦。世在五，應在二。世爻定，穿地六尺，得孔穴。世爻動，五尺，得赤小豆。應爻定，四尺，得蛇孔。應爻動，八尺，得蚯蚓。（剝當作剥。）（以上敦本第三頁上面。）

（中缺）

益 震下巽上。巽家三變。益，七月卦。世在三，應在上。占世爻定，其下四尺，

熒煌店成圖鈔本三備殘卷解題

得孔穴；其下一尺，得水龜。世爻動，其下八尺，得骨。應爻定，其下八尺，有黃蠶。應爻動，其下七尺，得死骨。葬得此地，凶。孔子云：北有伏屍。去卜處一百八十步近大蛇頭，往掘即得之。令人貧窮。

無妄 震下乾上。巽家四變。無妄，二月卦。世在四，應在初。占世爻定，其下六尺，得大麥。世爻動，其下九尺，得炭灰。凡應爻定，其下五尺，得孔道。下二尺，有螻蟻，似活。應爻動，其下一尺，得聚蟻。葬得此地，吉。孔子云：葬之，吉。北有伏屍，勿動，大吉利。（無，周易作无。）

噬嗑 震下離上。巽家五變。噬嗑，九月卦。世在五，應在二。占世爻定，其下五尺，得溝沙。世爻動，其下一丈二尺，得蠶土。應爻定，其下四尺，得磚。凡應爻動，其下得牛頭骨。葬得此地，大吉。孔子云：葬之，合家大吉利。（噬，當從周易作噬。）

頤 震下艮上。巽家遊魂。頤，八月卦。世在四，應在初。占世爻定，其下六尺，得銅鐵；其下有鏡。身爻動，其深四尺得鐵。應爻定，其下五尺得黑青土。應爻動，其下六尺得濕蠶、有水龜。葬得此（缺）（以上熒煌本第三頁下面。）
（張政烺曰：諸當作世字者，下備補遺則代以身字，以避太宗諱改易。整按或避，或不避，諸書皆然。唐人多有此例，俞樾九九清夏錄卷十已論之。）

孔子云：合。（缺）

（缺）尺，土似有孔穴不成。應爻動，其下（缺）葬之大窮。伏屍其下。

三三純坎。十月卦。世在上，應在三。占世爻定，（缺）下一丈六尺，得墳鼠。應爻定，其下三尺（缺）筒窰。葬得此地，大凶。南有泉。孔子云（缺）

節 兌下坎上。坎家一變。節，十一月卦。世在初，應（缺）穴道。世爻動，其下六尺，得粟麥。應爻定，（缺）一丈，得磚，赤蠶。葬得此地，大吉。孔子云：有（缺）此地，不過三年，乃大吉利。

屯 震下坎上。坎家二變。屯，六月卦。世在二，應在五。占世爻定，其四尺，得磚。身爻動，其下八尺，得石肱。應爻定，下六尺，得錢。應爻動，其下一丈二尺，得錢。葬得此地，大吉。（其四尺，其下脫下字。）

既濟 離下坎上。坎家三變。既濟，正月卦。世在三，應在上。占世爻定，其下四

尺，得磚。世爻動，其下一丈一尺，得穴井。應爻定，其下三尺，得孔穴。應爻動，其下六尺，得澇沙。葬得此地，吉。孔子云：富及子孫，大吉利。

革 離下兌上。坎家四變。革，二月卦。世在四，應在初。占世爻定，其下一丈，泉水。身爻動，其下六尺，得井。應爻定，其下八尺，得葦根。應爻動，其下七尺，得人骨。葬得此地，凶。下有盤石。孔子云：煞師。

豐 離下震上。坎家五變。豐，九月卦。世在五，應在二。占世爻定，其下五尺，得盤石。身爻動，其下一丈，得故井。應爻定，其下四尺，得磚石。應爻動，其下八尺，得澇沙土石。葬得此地，凶。孔子曰：煞人，不利後。

明夷 離下坤上。坎家遊魂。明夷，八月卦。世在四，應在初。占世爻定，其下八尺，得故坑。世爻動，其下四尺，得故井。應爻定，其下六尺，得白沙土。應爻動，其下二尺，得虛土。葬得此地，大凶。孔子云：鬼神不祐。

師 坎下坤上。坎家歸魂。師，七月卦。世在三，應在上。占世爻定，其下三尺，得火炭。世爻動，其下七尺，得破几。應爻定，其下四尺，得白石，似人骨。應爻動，其下九尺，得破几。葬得此地，大吉。孔子云：大富貴。

三三純離，四月卦。世在上，應在三。占世爻定，其下四尺，得灰炭。世爻動，其下八尺，得几。應爻定，其下六尺，得鐵。應爻動，其下一丈，得磚。凡葬得此地，吉。孔子云：其一年，爵祿自來。

旅 艮下離上。離家一變。旅，五月卦。世在初，應在四。占世爻定，其下四尺，得薑土，下有濕沙。世爻動，其下一丈，得木根。應爻定，其下三尺，得犂鉞。應爻動，其下九尺，得鈞刀。葬其此地，吉。孔子云：先頻後富。伏尸在東藉，不有銅鐵。（邪其，其蓋得之誤。鉞，當作貧。藉，當作籍。古籍通廬。鼎豐滿卦作廬。）

鼎 巽下離上。離家二變。鼎，十二月卦。世在初，應在五。占世爻定，其下一尺，得空坑。世爻動，其下六尺，有孔穴，似有灰。應爻定，其下五（以上致燬木第四葉下面。四葉上面空。得黃沙。應爻動，其下一丈，得白土。葬得此地，君子吉，小人自如。（其下五，五下蓋取尺字。）

未濟 坎下離上。離家三變。未濟，十月卦。世在三，應在上。占世爻定，其下三

雜爻唐虞通卦木三備殘卷附題

尺，得火灰。世三動，其下六尺，得鐵矢。應爻定，其下八尺，得蚯蚓。應爻動，其下二尺，得故井。葬得此地，大凶。

蒙 坎下艮上。離家四變。蒙，八月卦。世在四，應在初。占世爻定，其下四尺，得石腕。世爻動，其下六尺，得沙石。應爻定，其下四尺，得死人。應爻動，其下八尺，得虛土，似坑，有沙。葬得此地，大凶。孔子云：合有伏屍，合家喪亡，大凶。

渙 坎下巽上。離家五變。渙，三月卦。世在五，應在二。占世爻定，其下八尺，得玉石。世爻動，其下四尺，得滂沙，水泉。葬得此地，大凶。孔子云：西有伏屍，葬之，合家喪亡，大凶。

訟 坎下乾上。離家遊魂。訟，二月卦。世在四，應在初。占世爻定，其下三尺，得赤沙。世爻動，其下六尺，得聚蟻，有炭。應爻定。其下四尺，得磨石。應爻動，其下八尺，得故井。葬得此地，大凶。孔子云：南有伏屍，西有提，上有玉。葬之，鬼神不安。（提，當作礎）

同人 離下乾上。離家歸魂。同人，三月卦。世在三，應在上。占世爻定，其下三尺，得金石玉。世爻動，其下六尺，得骨牙。應爻動，其下四尺，得清錢。應爻動，其下六尺，得錢，有沙。葬得此地，大吉。孔子云：下有伏屍，勿動之。（以上敦煌本第五葉上面。）吉。（清錢，精疑當作青，下同。諸卦定然後動，前後對亂。此云爻動得清錢，又云爻動得錢，疑上動字乃定之譌。以下亦多錯亂，不具舉。）

（中缺）

（上缺）在三。應在上。世爻定，其下五尺

（上缺）應有動，其下二尺，得陶甕。應

（上缺），蓋俗甕字。岑仲勉曰：有，當作爻。

（上缺）此地，君子吉，小人自如。孔子云：葬

（上缺）勿動之，大吉。

（上缺）定，其下二尺，得虛坑。世爻動

（上缺）三尺，得破磚几。應爻動，其下一丈，

（上缺）云：葬得此地，北有伏死，南有堤坊。（缺）

(上卦)初，應在四。占世定，其下八尺

(上卦)爻定，其下六尺，得金玉。應爻動

(上卦)有泉。孔子云：葬得此地，富貴吉利。

(上卦)卦。世在二，應在五。世有定，其下

八尺得伏屍。世爻動，其下三尺，得錫。應定，其下九尺，得銅錢。應爻動，其下四尺，得花枝，似蛇。葬得此地，大吉。四有伏屍，勿動。(王重民曰：四有，四疑當作西。岑仲勉曰：有定，有當作爻。)

咸 艮上兌下。兌家三變。咸，正月卦。世在三，應在上。世爻定，其下二尺，得骨。世爻動，其下五尺，得濕沙土，有蟻蚓。應爻定，其下四尺，得龜蟲。應爻動，其下一丈一尺，得黃沙。葬得此地，吉。孔子云：西有伏屍，勿動之，吉。

蹇 艮下坎上。兌家四變。蹇，八月卦。世在四，應在初。占世爻定，其下五尺，得白蠶土，似沙。世爻動，其下一丈三尺，得粟。應爻定，其下四尺，得孔穴。應爻動，其下八尺，得草根。葬得此地，大吉。孔子云：葬之，鬼神歡喜。東有伏屍，勿動之，吉。

謙 艮下坤上。兌家五變。謙，九月卦。世在五，應在二。占世爻定，其下一尺，得清錢。世爻動，其下六尺，得錢。應爻定，其下三尺，得小豆。應爻動，其下六尺，得白稭。葬得此地，大吉。孔子云：葬之封侯。

小過 艮上震上。兌家遊魂。小過，二月卦。世在四，應在初。占世爻定，其下五尺，得火炭。世爻動，其下七尺，得故陶竈。應定，其下四尺，得赤蛇。應爻動其下二尺，得白骨。葬得此地，大吉(艮上，上當作下。)

歸妹 兌下震上。兌家歸魂。歸妹，七月卦。世在三，應在上。占世爻定，其下四尺，得磚石。世爻動，其下八尺，得玉石。應爻定，其下四尺，得金鏡。亦可是銀。應爻動，其下六尺，得玉。葬得此地，大吉。孔子云：葬之，鬼神咸欣。西有伏屍，勿動之，吉。

嫩德唐成通鈔本三備殘卷解題

下備一卷（以上敦煌本第六葉下面，五葉下面，六葉上面俱空。）

占候驗吉凶法

內卦得乾下，占地時，上喪引車時，必見黑牛，父馬，黑色，黑衣，黑字，大吉。

（色字疑誤。字作題曰：父字疑誤。）內卦得坎下，占地時，上喪引車時，必見逢白

馬，白衣服人，白鳥來，見之大吉。內卦得艮下，占地時，上喪引車時，必

逢見黃牛馬，黑衣服人來者，大吉。內卦得巽下，占地時，上喪引車時，必逢見

赤牛馬，黑牛馬，黑衣服人，及婦人來者，大吉。內卦得離下，占地時，破地時，

上喪引車時，必見青色牛馬驢，白衣人，白鳥，白雲來見，大吉。內卦得坤，占

地時，上喪引車，必見黃牛馬，黃衣服人，大吉。（從上下文例推之，車下盜殺時字。）

內卦得兌，占地時，上喪引車時，逢見黃牛馬人；如無，上有風雲起，大吉。

內卦得此易六十四卦占時，見來時應有、宜子孫聰達，長壽，榮花，代代大

吉。（花，當作華。）內卦得震下，占地時，上喪引車時，必見黃牛馬，黑衣

人，黑鳥獸，黑雲來者，大吉。（以上S六三四九敦煌本第七葉上面。）

于時歲次甲申六月丙辰十九日甲戌申時，寫訖。（同上，敦煌本第七頁下面。）（歲甲申。

月丙辰，據魏晉書表，當為唐懿宗咸通五年，西紀元八六一年。）

易下備補遺（敦煌本六三四九下備不完。王重民據S六零一五輯補。）

☳☳ 益，正月卦。身三，應上。（缺）有蛙墓。應爻定，六尺。（缺）地，大凶。為有伏屍，大窮。（缺）

☳☳ 泰，正月卦。身三，應（缺）蠶土、似沙。應爻定，深四。（缺）

☳☳ 大壯，二月卦。身在四，應（缺）一丈二尺，得駭頭墮。爻動，深九尺，得灰。應爻定，（缺）爻動，其下六尺，得墳鼠。凡葬得此地，凶。孔子云：下有伏□□□伏屍在東北角。

☳☳ 夬，三月卦。身在五，應在二。身□□□三尺，得石白。爻動，五尺，得穉。應爻定，深八尺，得腐木。爻動，四尺，得磚瓦石。葬得此地，君子吉，小人凶。

☳☳ 需，八月卦。身在四，應在初。身爻定，深一丈二尺，得穀。爻動，其下四

尺，得黃沙土。應爻定，深七尺，得穴。爻動，深五尺，得鼠。孔子云：葬得此地，鬼神安，利生人。南有伏屍，大河在下，有玉，去卜處三百步，南相如西，玉在中，不見。葬得此地，大吉。（南相如西，與南廡面西同。）

☳☳比，七月卦。身三，應上。身爻定，深七尺，得骨。爻動，三尺，得死木根。應爻定，深五尺，得蜂。爻動，丈二，得聚蟻。葬得此地，凶。有穴，孔子云：三龍所遊，亡人不口凶。（等仲勉曰：不下蓋脫安字。大有卦云，地有龍道，不可居，以此知之。蓋按郭之鬼神安，或不妥，書中匿辭。）

☳☳純震，十月卦。身上，應三。身爻定，其下四尺，得白沙土。爻動，六尺，得碑石。應爻定，深八尺，得穀。爻動，一丈六尺，得葦根。葬得此地，凶。有口。孔子云：□□□□

☳☳豫，五月卦。身在初，應四。身爻定，深，其下丈，得白黍。爻動，丈二尺，得赤黍。應爻定，深九尺，得黑土，似蠶。應爻動，六尺，得小豆。葬得此地，大吉。（應四，四下兩在字。深其下文句有脫誤。）

☳☳解，十二月卦。身二，應五。身爻定，深八尺，得大豆。爻動，一丈，得人骨。應爻定，深六尺，得石。爻動，四尺，得碑井。葬得此地，君子吉，小人自如。而有穴，孔子云：宜子孫。（而字誤。）

☳☳恆，正月卦。身三，應上。身爻定，深九尺，得石。爻動，六尺，得磚瓦。應爻定，其下五尺，得穀。爻動，一丈，得赤穀。葬得此地，孔子云：三十年，大吉。

☳☳昇，八月卦。身四，應初。身爻定，四尺，得石。爻動，八尺，得磚瓦。應爻定，六尺，得空井。爻動，二尺，得骨。葬得此地，大凶。孔子云：一年，曹大事。（王電氏曰：曹，疑當作遺。）

☳☳井，三月卦。身五，應二。身爻定，四尺，得豎頭蠶。又動，八尺，得白沙土。應爻定，二尺，得錢。爻動，三尺，得墨。葬得此地，大凶。有穴，孔子云：下有伏屍。（等仲勉曰：又，當作爻。）

☳☳大過，二月卦。身在四，應在初。身爻定，六尺，得石。爻動，四尺，得土甌。應爻定，八尺，得麥。爻動，二尺，得沙土。葬得此地，大吉。孔子云：下有金□□

☰☷隨，七月卦。身三，應上。身爻定，其下五尺，得葦根。爻動，一丈，□□□□根。應爻定，五尺，得白絮。爻動，□尺，得黃沙土。葬得此地，大吉。孔子云：西有大道，下有伏屍，勿動，□□□得祿。

☰☷純巽，四月卦。身上，應三。身爻定，其下七尺，得木根。身動，八尺，得葦根。應爻定，四尺，得錫。爻（缺）玉石。孔子云：女代。（身動，引身下爻字。）

☰☷小畜，十一月卦。身初，應四。身（缺）應爻定，八尺，得磚石。應動，（缺）孔子云：南有伏龍，去（缺）動之，吉利。（應動，應下脫爻字。）

☰☷家人，六月卦。身二，應五。（缺）石。應爻定，五尺，得黑土。下有（缺）貴，有利益，生人安吉，不（缺）

（中缺）

☰☷純艮，四月卦。身上，應三。身爻定，其下八尺，得沙石。身爻動，四尺，得□土。應爻定，其下五尺，得黑壘土。應爻動，一丈，得白沙。此地大凶。孔子云：築小口。西南三十步，有麀及馬骨。

賁，十二月卦。身初，應四。身爻定，八尺，得牛啼骨。應爻定，六尺，得黑沙土。應爻動，一丈，得聚口。此地有盤石。孔子云：葬之百日，祿自來。西有一像骨。深八尺，□錢。（賁上脫艮☶離☲兩卦。啼，豨當作蹄。）

☰☷大畜，十二月卦。身二，應五。身爻定，八尺，得牛骨。爻動，四尺，得黃石。應爻動，九尺，得米孔。應爻定，五尺，得孔穴。孔子云：下有青沙，葬之大吉。

☰☷損，七月卦。身三，應上。身爻定，一丈，得羊頭骨。爻動，五尺，得錢銅。（缺）爻動，八尺，得死土，凶。孔子曰：葬得此地，百年（缺）

（上缺）定，七尺，得銀銅。身動，九尺，得白銅。

（身動、身下脫爻字。下同。）

（上缺）尺，得蛇孔。此地，凶。孔子云：鬼神不安。伏屍在西，勿動之。

（上缺）尺，得錢。身動，一丈，得流沙。應爻定。

（上缺）青沙土。葬之，此地，君子吉，小人自如。

《禮記·檀弓》卷解題

(上缺)尺，得灰炭。身動，一丈，得錢銅。應

(上缺)得磚瓦。下有墳土。此地，孔子云：葬

(上缺)死，大凶。

(上缺)尺，得蔡子。身動，一丈二尺，得人骨。

《岑仲勉曰：諸云得米，得麥，得黍。此云蔡子，蔡疑當作菜，蓋擊近而訛。)

(上缺)五尺，得黃壘。下有口沙。此地吉，君

(上缺)伏口口去卜處三百步。一云：下有勿動之。

(上缺)二尺，得虛坑。身動，五尺，得口口口

(上缺)尺，得沙石。葬此地，大吉。孔口口口口

(上缺)石。身動，四尺，得錢。應受定，

(上缺)孔子云：葬後七年外，大富貴，吉。

(上缺)世世大吉利。

(上缺)骨。身動，五尺，得濕沙土。下口

(上缺)口世應受動，口(缺)

(殘卷完)

112
247-